

— —

Goude bennos ar Ver'hez, aroc mont eus an ty,
 E c'houlén a guir galon diganêc'h hoc'h hini :
 Or ta deut eta a vuir galon
 Da rêy gant ho puguel ho benediction.

Evit ar Vam

Ha c'houi, mam garantezus, pini deus he maguet.
 Eur mennat a c'houlennàn, ha n'am refusot ket :
 Ho pennos a c'houlennàn, ganêc'h evit ho puguel
 Evel güechal ar Patriarch santel.
 Bennos breudeur ha c'hoarezet ive pareillamant.
 Hini paeron, maeronez, mar maint amàn presant,
 Hini ar Zent an Ælez, hag hini ar compagnunez
 O deus grêt dêi an enor d'he assista en e devez,
 Ha breman demp, en hano santel a Zoue ;
 Goude renta hon hommach, obliget omp da ze.

*Bremàn e ve lavaret eur Bater, eun Ave hac eun
 De Profondis, hac e saver er za*

Savit ta, Merc'h Yaouank, da zont da dy Doue,
 Evit effectui en antier ho promesse,
 Da virat fidelite bete fin ho pue,
 Ha goude d'en em vœlet en barados Doue.

DISKOUR

Pa roer eur Plac'hac, evit echui tout

Kemerit, va mignon, en nebeudic couraj
 Rac êru oc'h souden er fin eus ho peach
 Ha ne c'houlennan ket mui nemeur a dermen
 Rac me evel eo êchu brèman va zrajedien.
 Me ar garfe certen demeus a greiz va c'halon
 Kaout assur eun nebeut a gonsolation,
 Didostait amàn en kichen an treujou,
 Ha me a royo dês'b gant joa vras eur c'hêlou.

— 46 —

Pehini a ellàn kredi cetenamant
 A rejouisso meubet ho santimant ;
 N'en dèo ket eur c'hélou heb netra ken.
 Rac cetu amàn, dirazoc'h suramant eur femelen
 Pehini a lavarec'h, va mignon,
 A blije meurbet bros d'ho kalon,
 Cetu amàn, me gred, eur femelen
 A zo kaeroc'h eguet eur chinofen,
 Roz, na foudilis, na lavant :
 Speret an oll a rent content.
 E lec'h mo zo tevalijen e laka pep seurt sklérijen :
 Kaer eo evel eur stereden, ker caer hac ar verelaouen
 Roit an dorn dezhi brêmàn.
 D'e c'hass ganêc'h demeus an ty-màn :
 Ha mar er grit, klêvit eur guer :
 Dioñallit eus ar goalinier
 Eus a zorn Doue oll buissant,
 Da bunissa an dud mechant.
 Me a lavar ar goalinier
 Eus e furor hag e goler,
 Da lavaret eo, ar c'hollou,
 Rac calz demeus a valeuriou
 Pere a eller da evita
 O veva gant graç Doue er bed-mâ.
 Bevit bepret ho taou en doujanç Doue,
 Hac ho pezo certen peb seurt prosperite
 Pegument benag hep nep douetanç,
 Ec'h ouzoc'h inad kement-se en avanç
 Gant ho permission e lavar in brêmàn
 Ebars eur guer pe zaou, va selaouit amàn :
 Qemesket eo, allas ! atao buez an den,
 Bepret demeus a joa hac anqen ;
 An tieguez zo eui lestr,
 Exposit da veur a dempost ;
 Ret eo d'êc'h beva en guir union,
 Ha Doue a roy d'êc'h e venediction.

Peb den zo gant Doue choazet
 Evit beza eürus ha salvet.
 Hoguen ret eo goude goulén
 Beva just en güir Gristenien.
 Contempli ar societe
 A zo entre an douar hac an êe ;
 Goulénit bepret digant Doue
 Courach ha nerz d'ho liberte
 Evit ober pep tra parfet,
 Evit se e zoc'h digasset.
 Retorn a rankit adare
 Da renta cont da eun Doue.
 Gout a rit, ne zouetan ket
 N'oc'h eus eun adversour er bed.
 An adversour-ze eo Satan,
 Siouas deomp oll guitibunan !
 Pa falvezo d'an drouc-speret
 Dont da debochi ho speret
 Respontit : *Abrenuncio*,
 Ma lavarit : sinot eo,
 An Autrou-Doue eo ar brassa ;
 Enor ha gloar rentomp dezâ,
 Evit goude beza labouret,
 Hervez hon nerz hac hon yec'het,
 Pa c'hefet divar an douar,
 E recevet eur gurunen er Gloar.
 Ouspen er goalen e eured
 E zeo ar garante comprenet ;
 Dre ma zêo rond ar voalen,
 Ne all finissa birviken.
 Ne zeus fors absolument :
 Ret mad eo da eun den parlant ;
 Ma ne respontomp ket an dud,
 E teufent da lavarat e zomp mud,
 Sônjet hon eus da ober voell,
 Sevel aman eur zantinel,

— 48 —

Hac a vo grêt en form eun ty,
 Evit respont d'an dremenedi.
 Ha c'hui ive, va mignon kes,
 Mar oc'h eus marc'hadourez
 Pe da brena, pe da voerza,
 Partiit buan gante da guenta.
 Evit Montroulez pe Castel,
 Hac e profitot ne vo ket pell ;
 Eno e cafot honestamant
 Peadra evit hoc'h arc'hant.
 Eur garante evel honnes
 Ne all ket finissa james.
 Credi a ràn hoc'h eus pedet
 Jesus hac e Vam beniguet
 Da assista en hoc'h eured.
 Demp-ni brêmàn, compagnunez,
 Da ofr hor peden assambles
 Er sacrific an oferen,
 Da c'houlen graçou souveren ;
 Hac evidomp hac evité,
 Goulennomp graçou ouz Doue,
 Erfin, o tont da finisso ;
 Dalit e dorn, croguit ennâ ;
 Promettit dezi fidelite
 Hac hi a brometto dêc'h ive.
 Cetu aze e dorn deo
 Doue dre e c'hraç d'ho conduo.

FIN

Propriété